

四庫全書

子部

欽定四庫全書

子部
玉海卷八十四

詳校官給事中_臣查善長

主事_臣祁韻士覆勘

總校官進士_臣朱 鈐

校對官學政_臣翁樹崇

謄錄監生_臣戴 瑛

欽定四庫全書

玉海卷八十四

宋 王應麟 撰

車服

印璽綬

漢高帝紀應劭注曰古者印璽尊卑共之

諸侯大夫印亦稱璽

月令周封璽左傳璽書追而與之戰國策欲璽者段干子禮璽節秦紀御璽

事始曰史記

蘇秦佩六國印人臣賜印始於秦

通典以為三代之制人臣皆以金玉為印

龍虎鈕

秦始皇得和璧命丞相李斯篆為傳國璽故天

子稱玉璽

黃帝符璽

河圖舜以太尉即位與三公臨觀于河黃龍五采負圖
出置舜前黃金押白玉檢黃金繩黃芝泥章曰黃帝符
璽 事始春秋運斗樞曰黃帝時黃龍負圖中有璽章
文曰天黃符璽

湯璽

唐六典注周書曰湯放桀大會諸侯取璽置天子之坐

周璽節

禮掌節貨賄用璽節注今之印章也

詳見符節類

漢印綬

百官表相國丞相太尉秦官金印紫綬

高帝即位置一丞相十一年更

名相國
綠綬

御史大夫秦官銀印青綬太傅太師太保前後

左右將軍金印紫綬諸侯王高帝初置金璽藍綬

晉灼曰璽

卓名出琅邪平昌縣似艾可染綠因以為綬名師古曰璽之言信也古者印璽通名今則尊卑有別漢舊儀云

諸侯王黃金璽橐佗紐文
曰璽謂刻云某王之璽

徹侯金印紫綬

避武帝諱曰通侯或曰列

侯凡吏秩比二千石以上皆銀印青綬

師古曰漢舊儀云銀印背龜鈕

其文曰章謂刻曰某官之章也

光祿大夫無秩比六百石以上皆銅印

墨綬大夫博士御史謁者郎無其僕射御史治書尚符

璽者有印綬比二百石以上皆銅印黃綬

漢舊儀云六百石四百石

至二百石以上皆銅印鼻鈕文曰印謂鈕但作鼻不為蟲獸之形而刻文云某官之印

綏和元年

長相皆黑綬建平二年復黃綬

漢官儀曰孝武元狩四年令通官印五分王公

侯金二千石銀千石以下銅

續志乘輿黃赤綬四采黃赤紺縹淳

黃圭長丈九尺九寸五百首諸侯王赤綬四采

徐廣曰太子及

諸王金印龜紐纁朱綬

太皇太后皇太后皇后綬與乘輿同相國

綠綬三采公侯將軍紫綬二采

漢官儀馬防為車騎將軍銀印青綬在卿上絕

席實憲始加金紫次司空

公主封君服紫綬長公主與諸侯王同九卿中二千

石二千石青綬三采

一號青綬綬自青綬以上綬皆長三尺二寸與綬同來而首半之

綬者古佩璲也紫綬以上綬綬之間得施玉環鐫

千石六百石黑綬三采

四百石三

百石四百石三百石二百石黃綬一采

自黑綬以下綬綬皆長三尺

百石青紺綬一采注東觀書建武元年復設諸侯王金

璽綬綬公侯金印紫綬九卿至二千石銀印青綬中外

官尚書令至四百石銅印黑綬諸舍長至丞尉校長銅

印黃綬

漢舊儀六百石至二百石銅印鼻紐文曰印其斷獄者印為章漢官儀曰尚書僕射銅印青

綬

百官志大鴻臚皇子拜王贊授印綬

前傳趙堯高祖持御史大夫印

弄之曰誰可以為御史大夫者周勃謝請歸相印

朱買臣拜會稽太守懷其印綬步歸郡邸少見其綬守

邸前引其綬視其印會稽太守章也東郭先生佩青

綬楊僕懷銀黃垂三組金賞嗣侯佩兩綬朱

博教告吏民欲言縣丞尉者刺史不察黃綬各自詣郡
欲言二千石墨綬長吏者行部還詣治所 揚雄解朝

紆青拖紫

注謂綬之色

孔光拜相刻侯印書贊 西域傳

凡國五十自譯長城長君監吏大祿百長千長都尉且
渠當戶將相至侯王皆佩漢印綬凡三百七十六人

南粵傳高皇帝幸賜臣佗璽以為南粵王使為外臣時
內貢職天子賜其丞相銀印及內史中尉太傅印 嚴
助傳淮南王安上書曰以方寸之印丈二之組填撫方

外烏孫傳都護韓宣奏烏孫大吏大祿大監賜金印

紫綬 匈奴傳漢賜單于印言璽不言章 後傳董宣

以嘗為二千石賜艾綬 馮石賜紫艾綬 仲長統昌

言身無半通青綸之命

注十三州志曰有秩
書夫得假半章印

張衡綬

箭銘服其令服鸞封艾綬 搜神記張顗為梁相得金

印文曰忠孝侯印議郎樊衡上言堯舜時舊有此官

風俗通馮緄為議郎發綬箭有二赤蛇卜曰當為邊將

說文漢律曰綬組謂之首 揚子五兩之綸半通之

銅 通典後漢封禪尚書令以五寸印封石檢志同 記

緇衣注綸令有秩嗇夫所佩也 禮秋官疏先鄭引漢

法墨綬為貴 太元經龜綯

漢乘興六璽 傳國璽 三璽 建武受傳國

璽

續志乘興黃赤綬注漢舊儀曰璽皆白玉螭虎紐文曰

皇帝行璽皇帝之璽皇帝信璽天子行璽天子之璽天

子信璽凡六璽皇帝行璽凡封之璽賜諸侯書信璽發

兵召大臣天子行璽策拜外國事天地鬼神璽皆以武

都紫泥封青囊素裏尺一板璽以金銀滕組侍中組負

以從

虞喜曰六璽殊名與傳國為七

霍光傳召符璽郎取璽郎不與

光壯之增秩二等

周有典瑞掌節秦有符璽令漢有符節今領符璽郎趙堯為符璽御史

昌邑王受皇帝信璽行璽就次發璽不封注孟康曰漢

初有三璽天子之璽自佩行璽信璽在符節臺元后

傳高祖入咸陽至霸上秦王子嬰降於軹道奉上始皇

璽

漢元年冬十月秦王子嬰封皇帝璽降

及高祖即天子位因御服其璽

世世傳受號漢傳國璽 光武紀建武三年閏正月丙

午赤眉奉高皇帝璽綬

時帝幸宜陽

二月己未祠高廟受傳

國璽 晉志乘輿六璽秦制也曰皇帝行璽之璽信璽

天子行璽之璽信璽漢遵而不改秦藍田玉璽螭虎紐

在六璽外漢高祖佩之後世名為傳國璽與斬蛇劍俱

為乘輿所寶

虞喜志林曰傳國璽在六璽外凡七璽

唐六典注徐令言

玉璽記曰傳國璽秦始皇取藍田玉刻之其書李斯制

面文曰受命于天既壽永昌

續志注徐廣曰傳國璽文曰受天之命皇帝壽昌

壘上隱起為盤龍文文曰受天之命皇帝壽昌方四寸
紐五龍盤漢元后投於地遂一角缺公賓就上更始盆
子降上光武吳書曰漢亂六壘不自隨掌壘者投井中
孫堅入洛甄官井上旦有五色氣入井探得漢傳國壘
方圓四寸上有紐文盤五龍璫七寸管龍上一角缺

兩漢

皆傳秦六壘及傳國壘

袁術奪之徐璆得壘還許上之傳魏至晉

懷壘沒于劉聰傳石勒季龍又刻曰天命石氏冉閔敗
蔣幹以送建業永和八年八月也

晉紀永和八年八月冉閔子智以鄴降督

護戴施獲其傳國璽送之文曰受天之命皇帝壽昌百
僚畢賀 慕容廆獲皇帝玉璽三紐遣長史裴嶷送建

鄴

歷宋齊梁為侯景所得陳永定三年得之又傳隋

西京雜記中書以武都紫泥為璽室加綠綈其上 蔡

邕獨斷天子六璽 東京賦冠通天佩玉璽 祭祀志

封禪用玉璽一寸二分一枚方五寸尚書令奉玉牒檢
皇帝以璽封之

漢列侯印

高紀十二年三月詔為列侯食邑者皆佩之印賜大第

室 東平王蒼傳永平十一年正月來朝月餘還國帝
懷思乃遣使手詔國中傳曰日者問東平處家何等最
樂王言為善最樂其言甚大今送列侯印十九枚諸子
年五歲以上能趨拜者皆令帶之 地理志汝南郡滇
陽注闕駟云永平五年失印更刻遂誤以水為心

漢大將軍印

衛青傳元朔五年春令青將三萬騎出高闕圍右賢王
得右賢裨王十餘人還至塞天子使使者持大將軍印

即軍中拜青為大將軍諸將皆以兵屬立號而歸韓
信曰漢王授我上將軍印景帝賜汝南王非將軍
印擊吳

漢乘輿雙印 靈文

輿服志佩雙印長寸二分方六分

一本云方七分

乘輿諸侯王

公列侯以白玉中二千石至四百石皆以黑犀三百石
以下皆以象牙上合絲乘輿以縢貫白珠赤罽諸侯
王以下以絲赤絲縢縢絲各如其印質刻書文曰正月

剛卯既決靈爰四方赤青白黃四色是當帝令祝融以
教夔龍疾日嚴卯帝令夔龍謹爾周伏化茲靈爰既正
既直既觚既方庶疫剛瘳莫我敢當凡六十六字 王

莽傳劉之為字卯金刀也正月剛卯金刀之利皆不得

行注服虔曰剛卯以正月卯日作佩之長三寸廣一

寸四方或用玉或用金或用桃著草帶佩之

韓詩外傳齊桓

公出遊遇一丈夫帶著桃爰問之曰
人之戒在桃爰來年正月庶人皆佩

晉灼曰刻其上

面作兩行書云云師古曰今徃徃有土中得玉剛卯者

漢正郡國印章

馬援傳建武十七年璽書拜伏波將軍注東觀記曰
援上書臣所假伏波將軍印書伏字犬外嚮城臯令
印臯字為白下羊丞印四下羊尉印白下人人下羊
即一縣長吏印文不同恐天下不正者多符印所以
為信也所宜齊同薦曉古文字者事下大司空正郡
國印章奏可 周禮璽節注今之印章也 武紀太
初元年五月正歷數用五注張晏曰用五謂印文也

若丞相曰丞相之印章 郊祀志官更印章以五
字

漢斗檢封

周禮司市注璽節印章如今斗檢封矣疏案漢法斗檢
封其形方上有封檢其內有書則周時印章上書其物
識事而已

蜀漢玉璽

蜀志關侯圍樊襄陽襄陽男子張嘉王休獻玉璽璽潜

漢水伏於淵泉暉景燭耀靈光徹天

魏玉璽 璧玉印

晉志魏太和元年四月洛邑初營宗廟掘地得玉璽方二寸九分其文曰天子羨思慈親明帝為之改容以太牢告廟 魏志咸熙元年六月衛瓘至成都得璧玉印文似成信字宣示百官藏于相國府

晉神璽 鎮璽

元帝紀白玉麒麟神璽出於江寧其文曰長壽萬年以

為中興之象 唐六典注晉陽秋云孝武太元十九年

八月西燕慕容永遣子弘求救于雍州刺史郝恢獻玉

璽一紐方六寸厚一寸七分高四寸六分與傳國璽同送建業自晉至梁相傳

謂之鎮璽及侯景敗侍中趙思齊接以渡江郭元建送

于齊傳周隋隋文帝初亦謂之傳國璽開皇二年五月甲子

改為受命璽九年平陳得真傳國璽乃改前璽名神璽

至大業初著之于令

晉玉璽 白麒麟璽

元帝紀太興三年三月慕容廆奉送玉璽三紐四年春
二月鮮卑末波奉送皇帝信璽庚戌告于太廟乃受之
穆帝紀永和八年八月冉閔子智以鄴降督護戴施
獲其傳國璽送之文曰受天之命皇帝壽昌百僚畢賀

通鑑云謝尚自枋頭迎至建康

宋符瑞志晉建武元年三月己酉丹

陽江寧民虞由墾土得白麒麟璽一紐文曰長壽萬年
獻晉王 宋紀晉義熙十三年九月平長安先收其彝
器及秦始皇玉璽 元魏太平真君七年四月戊子鄴

城得玉璽二其文皆曰受命於天既壽永昌其一刻其
旁曰魏所受漢傳國璽西魏大統三年槐里獲神璽
大赦

晉金璽

輿服志皇太子金璽龜紐朱黃綬三夫人金章紫綬九
嬪銀印青綬皇太子妃金璽龜紐纁朱綬
漢制皇后金璽 宋
志吳無刻玉工以金為璽六枚

晉印龜

孔愉傳封餘不亭侯鑄侯印而印龜左顧三鑄如初

初

嘗行經餘不亭見籠龜於路者愉買而赦之漢中龜中流左顧者數四至是鑄印而龜左顧

宋孔

琳之傳曰傳國之璽歷代迭用襲封之印奕世相傳今世唯尉一職獨用一印至內外羣臣每遷悉改謂即用一印無煩改作

晉朱綬

後漢輿服志注荀綽晉百官表注曰皇太子朱綬三百二十首許曼傳隴西太守馮緄始拜郡開綬笥有兩

赤蛇分南北走曼筮之曰當為邊將

唐八寶 七寶 六寶 神璽 受命元璽

承天大寶 傳國璽 符寶郎 寶書

車服志天子有傳國璽及八璽皆玉為之神璽以鎮中國受命璽以封禪禮神皇帝行璽以報王公書皇帝之璽以勞王公皇帝信璽以召王公天子行璽以報四方書天子之璽以勞四夷天子信璽以召兵四夷皆泥封大朝會則符璽郎進神璽受命璽于御座行幸則合八

璽為五輦函封從于黃鉞車之內

通典會要作八寶

儀衛志

大駕符寶郎奉六寶

百官志門下省符寶郎四人從

六品上

李安期延壽為符璽郎

掌天子八寶及國之符節有事則

請於內既事則奉而藏之大朝會奉寶進于御座行幸

奉以從大事出符則藏其左而班其右以合中外之契

無以敕書小事降符函封使合而行之命將遣使皆請

旌節

會要符璽郎延載元年五月十一日改為符寶郎神龍元年正月二十二日復為符璽郎開元元年

十二月十日

改符寶郎

紀武后垂拱四年六月壬寅作神皇三

璽長壽二年九月乙未作金輪等七寶

傳云置七寶于廷大朝會則陳

之元宗開元六年十一月乙巳改傳國璽曰寶會要

貞觀十六年太宗刻受命玄璽以白玉為螭首

神筆隸書實

錄云隸書然後鐫勒

文曰皇天景命有德者昌

車服志同會要拜郊類作受命玄

璽十七年十一月十三日巳卯南郊侍中負受命玄璽

以從天寶五載六月十一日改璽書為寶書十載正月

十五日改傳國寶為承天大寶

車服志同

六典注武德四

年克平東夏五月壬申裴矩奉傳國璽及神璽六璽以

獻云云 通典後周皇帝八璽有神璽傳國璽皆寶而

不用其六璽因舊制隋因之唐貞觀十六年太宗刻受

命璽云云長壽二年改為寶神龍元年復為璽

志開元六年復為寶

天寶十載改傳國寶為承天大寶天子之寶八云云

同志

官志禮部郎中掌符印內官有司寶二人掌神寶受命寶

六寶及符契侍中行幸則負寶以從中書舍人璽書冊命

皆起草 李吉甫傳建言軍國大事以寶書易璽詔 梁

肅受命寶賦序曰鼎之輕重與璽之去留莫不視德之

高下位之安危若以負宸之尊被竊鈇之言此片玉耳

復何為哉 六合大同之印

肅宗靈武召兵所用

貞觀開元印

見小學類

車服志皇太子璽金為之藏而不用皇太子以

左春坊印封令書 官志中書令冊太子則授璽綬

武德七年陝州獲白石璽一紐章與傳國璽同乾元元

年七月庚寅朔方節度郭子儀奏東京上陽西金華門

外仗下得天子信璽一皆篆書背上雕刻龍獸雀武相

盤以為帝德廣運乾道降祥璿圖永昌坤維耀寶請宣

示朝廷貞元元年十一月京兆奏有人於長興坊得玉璽文曰天子信璽中書門下表賀

唐黃金印

詳見錫子
外夷類

會要貞元十年七月詔賜南詔蠻異牟尋鑄印一用黃金銀為窠其文曰貞元冊南詔印先是劍南西川節度韋臯奏南詔前遣清平官尹求寬獻所授吐蕃印五二用黃金今賜印請以黃金從蠻夷所重從之 漢賜單于黃金璽印文曰匈奴單于璽 賜烏孫金印

唐兩省印

會要建中三年六月詔中書門下兩省各置印長慶三年八月鑄御史臺行從印二出使印二

太宗皇帝承天受命寶 雍熙書詔寶 真宗

皇帝恭膺天命寶

志舊制乘輿六璽又有傳國璽唐改為寶有八周廣順

三年二月始造二寶其文曰皇帝承天受命寶皇帝神

寶

一本云更作二寶方六寸螭虎紐

太祖受禪傳二寶太宗又別製承

天受命之寶真宗復制恭膺天命之寶

至道三年十一月二十日辛巳

真宗即位製之

仁宗乾興元年三月庚午朔復製王曾書之明道元年九月重作凡嗣位則更製渡江後不

復

作凡寶用玉篆文廣四寸九分厚一寸二分填以金盤

龍紐係以暈錦大綬赤小綬連玉環玉檢高七寸廣二

寸四分厚四分皆飾金裏以紅錦加紅羅泥金夾帊納

於盞

祥符登封別製寶盞差小

又盞二重裝以金覆以繡帊載以腰

輿及行馬並飾以金朝會陳於御座前大禮列於仗衛

每上尊號有司製玉寶以尊號為文禁中所用別有三

印曰天下合同印中書奏覆狀用之曰御前印樞密院
宣命及諸司奏狀用之曰書詔印翰林詔敕別錄敕榜
用之鑄以金雍熙三年一云三年十月十一日丙午改三印為寶別
鑄

淳化賜諸王印章

淳化五年四月壬午朔賜諸王印章先是親王皆無領
兩鎮詔有司合其名鑄為印一紐賜之至道元年八月
鑄左右春坊印紹興三十二年九月十四日鑄皇子鄧

慶恭三王印

至道玉璽記 傳譜

唐志儀注類紀僧真玉璽譜一卷姚察傳國璽十卷徐
令言玉璽正錄一卷

六典注有徐令言玉璽記

書目玉璽譜一卷博

陵崔逢修嚴士元重修皇朝魏損潤色叙秦傳國璽歷
代傳授得失本末迄于乾德五年 至道中鄭文寶為

玉璽記一卷首圖璽文次載傳授本末

仁宗朝晏殊進玉璽傳記及梁

肅受命寶賦傳一卷不載撰人名氏

秦璽者李斯之魚蟲篆也其圉

四寸至漢謂之傳國璽迄于獻帝所寶用者秦璽也歷

代皆用其名永嘉之亂沒于劉石永和之世復歸江左

者晉璽也

晉有天下自刻璽其文曰受命于天皇帝壽昌本書與興服志以為秦璽誤矣

太元

之末得自西燕更涉六朝至于隋代者慕容燕璽也

隋更

謂之神璽

劉裕北伐得之關中歷晉暨陳復為隋有者姚秦

璽也

文與秦同

開運之亂沒于耶律女真獲之以為大寶者

石晉璽也

唐璽亡於從珂天福三年七月以受天明命惟德允昌為文四年製皇帝神寶

蓋在

當時皆誤以為秦璽而秦璽之亡則已久矣

紹聖三

年冬咸陽民段義得璽議者以為秦璽受寶之禮昉于

止

至道皇太子冊寶 天禧皇太子冊寶 乾道

皇太子冊寶

至道元年八月二十一日命賈黃中撰冊文王旦呂祐

之書冊寶二十三日

丁酉

門下省言按開元禮儀冊太子

寶以黃金為之方一寸又按隋志皇太子寶龜紐文曰

皇太子寶

方二寸厚五寸

係以朱組大綬連玉環金檢

高五寸闊二寸

厚二分

天禧二年八月二十八日丁巳禮儀院言冊太

子奏明安之曲中書省言舊制皇太子冊用珉玉簡六十枚前後四枚刻龍填金為捧護之狀貫以金絲結以金花飾以帡鍮襯以泥金夾帕藉以錦褥盛以黝漆桺長九尺五寸濶尺二寸高八寸飾以螭首今請用珉玉簡七十五枚漆匣裝以金鏤銀花鳳葉加以腰輿行馬飾以金鳳條以魚鈎竿為螭首從之九月七日以冊寶進內 乾道元年八月十四日詔簽書樞密院葉顯篆

皇太子寶十七日依舊制造冊寶七年二月同

祥符天下同文寶 封禪王寶金寶

祥符元年五月五日甲子別制天下同文寶以金鑄用
於封禪以封石礧

朝謁大清宮祀汾陰封冊匱亦用之

祥符元年五月

甲子詳定所言唐開元中玉匱金匱封訖以受命寶印
之又貞觀中議更造玉璽一方一寸二分同受命寶今
請別造玉寶方寸二分同受命寶以封金玉匱又開元
中石礧以天下同文印封之舊史無制度今請以金鑄

大小同御前寶以天下同文之寶為文二寶封畢進內
其玉寶分寸以今尺為準從之甲申命參知政事馮拯
書封禪玉寶金寶

祥符龍圖閣印

祥符二年三月乙

闕

鑄龍圖閣印文曰龍圖閣御書記

天禧昭受乾符寶 慶厯欽崇國祀寶

天禧元年十二月壬

闕

召輔臣於滋福殿觀新刻皇帝

昭受乾符之寶

金闕制闕

鉅妙

初祭醮祠表皆用御前之寶

上以未盡恭恪故改製焉

用以印密詞

後大內火寶焚

止用御前之寶慶歷八年下學士院定其文而別

刻之十一月己亥

三

詔刻皇帝欽崇國祀之寶宰

臣陳執中書

以代昭受乾符之寶熙祠表章用之

天禧四年閏十

二月己巳編御集朱兪中等言御製書印三請用

金鑄從之

天禧玉印

天禧元年七月秦州奏檀州軍士王貴自云得于聞

王印一以獻

文曰國王
趙萬永寶

元魏孝昌中得古王印祖瑩

曰此于闐國王晉太康中所獻

明道改作寶冊

明道元年禁中火寶冊悉焚九月庚寅改作寶及冊命參政陳堯佐書受命寶薛奎書尊號冊寶宰臣張士遜書仁宗為皇太子冊參政晏殊書皇太后冊寶二年正月成 治寶法物易以銀而塗黃

金

景祐鑄印令式 元豐三省銀印

景祐三年正月篆文王文盛請于少府監更鑄糧料院印又言舊制親王中書印各方二寸一分樞密宣徽三司尚書省開封府方二寸節度使寸九分留後觀察使寸八分半防禦團練使轉運使州縣印寸八分凡印各上下寸七分闊寸六分雖有差降而無令式以紀其數詔從其言著于令

志無月日

治平三年命知制誥邵必殿中

丞蘇唐卿詳定天下印文二人通篆籀尋復廢罷無

所釐改 先是乾德三年九月二十八日乙未重鑄中書

門下樞密院三司使印初五代所鑄篆刻非工至是蜀

鑄印官祝溫柔言其祖思言唐禮部鑄印官世習繆篆

漢藝文志所謂屈曲纏繞以摹印章者也自是臺省寺

監及開封興元尹印悉令溫柔改鑄咸平三年十一月

三十日鑄東京留守印景德二年七月庚申判刑部慎

從吉言門下省等五十四司印文皆有新鑄字望改鑄

從之三年七月壬戌鑄尚書內省出納印

初用御寶至是改鑄

三朝志諸王及中書門下印方二寸一分樞密宣徽三
司尚書省諸司印方二寸惟尚書省印不塗金餘皆塗
金節度使印方一寸九分塗金 元豐四年十月庚辰
詔三省印銀鑄金塗給事中印為門下外省印舍人印
為中書外省印建炎三年七月丁酉鑄三省樞密院銀
印紹興二年三月十日重鑄紹興經筵之印中興重鑄
加行在二
字或冠年號
以別新舊 乾道二年四月十一日禮部請郡縣假借
印記者悉毀而更鑄從之三年十二月四日鑄三省戶

房國用司印

皇祐鎮國神寶

皇祐五年七月十四日辛亥作鎮國神寶先是帝謂大臣曰奉宸庫有良玉廣尺而厚半之希代之珍也且天子八璽其一曰神寶遂命參政梁適撰寶名宰臣龐籍璩文參政劉沆書牌而刻之八月丁丑更命宰臣陳執中篆文十月壬子寶成召近臣宗室觀于延和殿癸亥禮院言唐六典次序一曰神寶二曰受命寶冬至郊祀

大駕儀仗請以鎮國神寶先受命寶為前導著為式

嘉祐八年四月乙酉英宗製恭膺天命之寶命參政歐陽修篆文元符二年八月四日製寶符旗二

皇祐崇政殿觀寶冊

皇祐五年十月二十九日召輔臣兩制學士待制崇政殿觀寶冊嘉祐八年十月三日翰林學士范鎮言帝后尊號冊寶皇太子冊與謚冊寶同置廟室請別置殿以藏禮院請度太廟神門外建殿從之

至和玉寶

至和二年七月五日辛酉皇姪從式上其祖德芳所藏玉寶二篆文曰皇帝信璽蓋太宗所賜

元符玉璽 治平玉檢

紹聖三年咸陽縣民段義得古玉印四年十二月上之五年即元符元年三月講議官十三人奏按其文曰受命于

天既壽永昌又得玉螭首一其玉乃藍田之色

青玉色如藍

其篆與李斯小篆體合飾以龍鳳鳥魚五月戊申朔

御大慶殿行受寶禮羣臣上壽稱賀先期又詔龍圖天

章閣齋治平元年

閏五月二日

耀州所獻受命寶玉檢赴都

堂參驗命宰臣書玉檢以天授傳國受命之寶為文

志曰

紹聖得玉璽有議政和獲玄圭有議

徽宗黜其璽不用自作受命寶方四

寸有奇自為之記

書目李公麟古器圖一卷圖所藏

器物志所從得而叙釋之又為序贊各一首又圖紹聖四年咸陽得玉璽并所進辯議文于後

大觀八寶 九寶

神宗是正典禮詔侍臣作天子皇帝六璽追琢未就崇

寧五年有獻玉印方寸者

以龜為紐

其文曰承天福延萬億

永無極遂以九字為文命工更刻螭紐方盤上圓下方

名為鎮國寶又作受命寶皆方四寸有奇篆以蟲魚帝

自為記并元豐六璽通為八寶

鎮國受命二寶寶而不
用藏之內府詔曰獲全

玉於異域得
妙工於編氓

大觀元年遂黜皇祐鎮國元符受命二寶

不用二年正月壬子朔御大慶殿受八寶

置符寶郎四
員隸門下省

二員以中人掌寶於禁中內外
各二員親製八寶九鼎記

後又從于闐得大玉踰

二尺又制定命寶赤螭紐文曰範圍天地幽贊神明保
合太和萬壽無疆篆以魚蟲其寶九寸檢亦如之合前
八寶為九以九寶為稱乾元用九之義政和八年正月甲申朔
受定命寶皆赦天下宣和四年十一月丙辰朔修飾舊
寶團用之郊裡則輦官奉寶輿導駕九寶為五重前列
香案定命受命及天子寶在左鎮國及皇帝寶在右行
禮則陳於宮架之前

紹興受命中興寶 八寶 十一寶 三御寶

靖康二年四月丁卯謝克家奉玉璽至大元帥府文曰

大宋受命之寶紹興元年五月八日癸卯內殿宣示大

宋受命中興之寶視定命寶猶大半分

玉甚明潤追琢精巧是歲宗

祀不陳八寶十六年始陳於郊祀如舊儀二十八年宗祀亦設之乾道初郊復詔省約及皇太子受冊符寶郎陳八寶于御坐之左右紹熙二年禮官以八寶非奉神之物請遵乾道省約之制

中興御府

藏玉寶十有一曰鎮國神寶

文曰承天福延萬億永無極

二曰受

命寶

文曰受命于天既壽永昌二寶封禪用之

三曰天子之寶

答外夷書用之四

曰天子信寶

舉大兵用之

五曰天子行寶

封冊用之

六曰皇帝之

寶答隣國書用之 七曰皇帝信寶賜隣國書及物用之 八曰皇帝行寶降御

劉用 所謂八寶也皆高宗作紹興十六年再郊始備八寶 九曰大宋受命

之寶太祖作 十曰定命寶徽宗作 十一曰大宋受命中興之

寶高宗紹興元年作 金寶三皆建炎二年秋所作 一曰皇帝

欽崇國祀之寶印香合祠表 二曰天下合同之寶印中書門下省文字

三曰書詔之寶印詔書建炎二年八月甲寅新鑄欽崇國祀天下合同書詔之寶自是月乙

卯行用

紹興尊號冊寶

天聖二年皇太后玉寶方四寸九分厚一寸二分龍紐
元祐元年十二月丙午中書省言太皇太后同此制皇
太后太妃並金寶紹興十年奉上慈寧殿冊寶三十二
年七月朔孝宗詔製太上皇帝尊號冊寶冊用珉玉簡
長尺二寸聯以金繩刻龍鏤金玉寶方四寸九分填以
金盤龍紐係以錦大綬太上皇后冊寶參用慈寧之制
乾道七年正月淳熙二年十二年加上尊號冊寶紹熙
元年慶元二年上壽皇太上冊寶

詳見冊
禮類

嘉定大慶殿受寶

嘉定十四年京東河北節制使賈涉繳進北方大將撲鹿花所獻皇帝恭膺天命之寶及元符三年御府寶圖一冊鎮江都統翟朝宗以玉檢來上其文若合符契又得受命于天既壽永昌玉璽七月丁亥太常奏受寶之禮製寶與法物十一月詔曰朕觀前代宜陽受瑞江寧闡珍猶能洪濟大業今朕曷敢不承閏十二月丙午奏獻宗廟

以內臣為
內符寶郎

十五年正月庚戌朔御大慶殿設黃

麾半仗受玉寶奉安天章閣己未大赦十六年七月置奉安符寶所建殿以內臣掌之 後漢李尤有印銘

胡廣有印衣銘 晉傅玄印銘曰乃設印章作信萬國

唐咸陽獲寶符賦玉鈕惟舊芝泥尚新螭文外發鳥篆中陳 五代史臣曰國以玉璽為傳授神器遂古無聞運斗樞曰舜為天子黃龍受璽世本曰魯昭公始作璽秦兼七國稱皇帝李斯取藍田之玉玉工孫壽刻之方四寸斯為大篆書文之形制如魚龍鳳鳥之狀希世之

至寶也

玉海卷八十四

欽定四庫全書

玉海卷八十五

宋 王應麟 撰

器用

符節

顏師古曰符謂合符以為契節以毛為之上下相重
取象竹節因以為名將命者持之以為信

黃帝合符金山

史記帝修德振兵未嘗寧居東至于海登丸山及岱宗
西至于空峒登雞頭南至于江登熊湘北逐葷粥合符
釜山而邑于涿鹿之阿正義合符謂合諸侯符瑞於釜
山封禪也猶禹會會稽玉帛萬國括地志釜山在媯州
懷戎縣北三里上有舜廟郭子橫洞冥記稱東方朔云
東海大明之墟有釜山山出慶雲應王者之符命黃帝
有黃雲之瑞故合符應於釜山也索隱合諸侯符契圭
瑞而朝之於釜山猶禹會諸侯於塗山也 漢志公玉

帶曰黃帝封東泰山禪凡山合符 河圖玄女出兵符
與黃帝戰蚩尤 抱朴子黃帝陟王屋而受丹經列鼎
湖而飛流珠登崆峒而問廣成之具茨而事大隗適東
岱而奉中黃入金谷而諮子心論導養而質玄素二女
精推步則訪山稽力牧講占候則詢風后著體診則受
雷岐審攻戰則納五音之策窮神姦則記白澤之辭相
地理則書青鳥之說救傷殘則綴金冶之術

周六節 邦節 玉節 角節 金節 符節

璽節 旌節 路節 節傳 管節

禮地官大司徒若國有故令無節者不行於天下注節

六節

見下文

掌節

上士二人中士四人

掌守邦節而辨其用以輔

王命

注邦節者珍圭牙璋穀圭琬圭琰圭

守邦國用玉節守都鄙用角節

注玉節之制加玉為之以命數為小大角用犀角其制未聞鄭玄曰玉節有五見下公羊傳云與之玉節

而走凡邦國之使節山國用虎節土國人節澤國龍節

皆金也以英蕩輔之

注今漢有銅虎符英蕩畫函

門關用符節

注如今宮

中諸官詔符

貨賄用璽節

注今之印章也以璽節出入之

司市凡通貨賄司關掌國貨之

節注璽節也 懷方氏致道路用旌節注使中所擁節是也 鄉大夫

以旌節輔令則達之 布憲執旌節以宣布於四方

達諸四方注路節旌節也 比長掌其比之治若徒于

節乃行疏道路旌節乃得行 闕人幾其出入注須使者符

唯有節者達之 國語周皆有期以反節注凡節有法

凡通達於天下者必有節以傳輔之司闕凡所達貨賄

外內之送令以節傳出內之 易氏曰節所以輔王命

而信行於節傳之外無節者有幾則不達注國土秋官小行人

達天下之六節山國用虎節土國人節澤國龍節皆以

金為之道路旌節門關符節都鄙管節皆以竹為之

此注

邦國之節諸侯使臣行類聘以金節授之為行道之信
管節如今之竹使符凡節有天子法式存於國正義掌
節所云畿內也虎人龍三者諸侯使臣所執旌符管在
國所用小行人達諸侯國亦如大行人達瑞節畿內貨
賄用璽門關用符畿外同用

野廬氏掌達道路凡有

符節國國皆有瑞節法式

節者至則為之辟 修閭氏唯執節者不幾 掌交掌

以節巡邦國 康誥越小臣諸節注小臣諸有符節之

吏

周瑞節

地官調人凡和難弗辟則與之瑞節而以執之注瑞節

玉節之刺圭也和之而不肯辟者不從王命也王以刺

圭使調人執之春官典瑞注珍圭牙璋穀圭琬圭琰

圭王使之瑞節

鄭玄曰玉節有五

珍圭王使之瑞節王使人召

諸侯則授之執以往致王命如今使者持節凡瑞節歸

又執以反命正義人節虎節是諸侯使人之瑞節此珍

圭等是王使之瑞節也秋官大行人王之所以撫邦

國諸侯者十有一歲達瑞節同度量 冬官玉人注琬

圭王使之瑞節也琬圭諸侯有為不義使者征之執以

為瑞節

王用玉節

左傳文十二年秦西乞術來聘曰不腆

先君之敝器致諸執事以為瑞節要結好命 周語內

史過曰為車服旗章以旌之摯幣瑞節以鎮之班爵貴

賤以列之令聞嘉譽以聲之 儀禮聘禮所以朝天子

圭與纁皆九寸剡上寸半厚半寸博三寸纁三采六等

朱白倉

注圭所執以為瑞節也剡上象天圓地方也雜采曰纁以韋衣木板飾以三色再就所以薦玉

重慎也九寸
上公之圭也
問諸侯朱綠纁八寸皆玄纁繫長尺絢組
繫玉因以為飾用五采
組上以玄下以絳為地
禮記玉藻凡君召以三節疏

節者以玉為之所以明信輔於君命者也

太公陰符 周書陰符

後漢方術傳鈴決之符注兵法有玉鈴篇及玄女六韜
要訣曰太公對武王曰主將有陰符八等有六勝得敵
之符長一尺破軍擒將之符長九寸降城得邑之符長
八寸却敵執遠之符長七寸交兵一作警衆堅守之符長六

寸請糧益兵之符長五寸敗軍亡將之符長四寸失利

亡卒之符長二寸

見六韜龍韜陰符篇又有陰書

隋志兵書類太公

陰符鈴錄一卷周書陰符九卷

唐志同

史記蘇秦讀周

書陰符以出揣摩

戰國策蘇秦得太公陰符之謀

鬼谷子陰符七術注本太公兵法

通典周書陰符太

公曰步車騎三軍同名異用

張衡思立賦李善注引

周書陰符

後漢百官志注引太公陰符曰為君守城

為吏守職為民守事

文選注引太公陰符曰并我勇

力重堅壁壘周書陰符太公曰好用小善不得真賢
初學記引周書陰符治國有三常

魯龍輔

左傳昭二十九年公賜公衍羔裘使獻龍輔

名玉

於齊侯

齊侯喜與之陽穀

名邑

正義周禮澤國用龍節皆金也以

英蕩輔之杜子春云以函器盛此節謂鑄金為龍以玉

為函輔盛龍節謂之龍輔此獻函不獻節故直云獻龍

輔玄卿云盛龍節之玉函案說文龍禱旱玉也為龍文

又玉人云上公用龍今輔與龍連丈故云龍輔玉名

魏虎符 兵符

史記魏公子無忌傳安釐王二十年秦昭王破趙長平軍進兵圍邯鄲趙請救於魏王使將軍晉鄙將十萬衆救趙復使人止晉鄙留軍壁鄴名為救趙實持兩端公子患之數請魏王畏秦終不聽公子因問侯生曰羸聞晉鄙之兵符常在王卧内而如姬最幸出入王卧内力能竊之公子請如姬必許諾則得虎符奪晉鄙軍北救

趙而西却秦此五霸之伐也公子從其計請如姬果盜
晉鄙兵符與公子 後漢書杜詩傳魏公子假兵符以
解趙圍

漢功臣符 丹書鐵契

高紀六年十二月甲申始剖符封功臣曹參等為通侯
師古曰剖破也又與功臣剖符作誓丹書鐵契金匱石

室藏之宗廟

如淳曰金匱猶金滕也師古曰以金為匱以石為室重緘封之

南粵王

傳漢十一年立尉佗為南粵王與剖符通使 說文符

漢制以竹長六寸分而相合 周禮司約小約劑書於
丹圖注今俗語有鐵券丹書舊典之遺言

漢節

紀高后八年八月襄平侯紀通尚符節令持節矯內勃
北軍朱虛侯章欲奪節謁者不肯 文帝宋昌曰太尉
以一節入北軍一呼士皆袒左為劉氏 武帝征和二
年七月更節加黃旄 昭帝始元元年閏月遣王平等
五人持節行郡國 宣帝本始元年正月遣使者持節

詔郡國二千石謹牧養民而風德化 列傳爰益解節

旄懷之 張騫持漢節不失自騫開外國道以尊貴云

云其吏卒亦輒復盛推外國所有言大者予節言小者
為副 司馬相如建節徃使 嚴助以節發兵會稽

蘇武杖漢節旄盡落 汲黯以便宜持節發河內倉

粟 眭弘武帝時為符節令 淮南王安作漢使節法

冠 任安盧賀坐受偽節誅 江都王建偽作漢使節

二十 劉屈氂初漢節純赤以大子持赤節故更為黃

旄加上以相別 霍光與羣臣奏昌邑王變易節上黃
旄以赤 咸宣自殺而杜周任用時盜賊滋起上使光
祿大夫范昆諸部都尉及故九卿張德等衣繡衣持節
發兵以興擊 諸葛豐司隸去節自豐始 谷吉上書
建彊漢之節承明聖之詔 光武紀持節北度河注節
所以為信也以竹為之柄長八尺以旄牛尾為其旄三
重 後傳馮衍與田邑書曰今以一節之任建三軍之
威豈特寵其八尺之竹犛牛之尾哉 鄭衆永平八年

顯宗遣衆持節使匈奴虜欲拜衆不為屈上疏曰臣誠不忍持大漢節對氍毹拜 孔融議秉髦節之使銜命直指 蔡衍拜符節令 續百官志符節令一人凡遣使掌授節王國大夫本皆持節後去節護羌校尉注應劭漢官曰擁節 魏氏春秋中平六年始復節上赤葆周禮旌節注今使者所擁節是也 禮記玉藻凡君召以三節二節以走一節以趨注今漢使擁節疏擁持也漢時使人召臣持節召之庾氏云君召臣急則以二

節緩則以一節 釋名節毛上下相重取象竹節 唐

六典漢唯旌節餘皆號符 隋天文志畢南八星曰天

節使臣所持也 天文要集天節星主奉使小而明則

使中正 周有掌節之職漢有符節之令後漢符節令

位次御史中丞別為一臺令一人為臺率屬少府賁孟

張敬蔡衍為之 史記趙高兼行符璽令事 晉志

秦符璽令漢因之位次御史中丞 趙堯傳為符璽

御史 霍光傳召尚符璽郎 典瑞注若今尚符璽

郎

漢銅虎符 竹使符

文紀二年九月初與郡守

史記云初與郡國守相

為銅虎符竹使

符注應劭曰銅虎符第一至第五國家當發兵遣使者

至郡合符符合乃聽受之竹使符皆以竹箭五枚長五

寸鐫刻篆書第一至第五張晏曰符以代古之圭璋從

簡易也師古曰與郡守為符者各分其半右留京師左

以與之

文選注漢舊儀曰郡國銅虎符三竹使符五大事記漢制諸侯不得自守兵魏勅曰非有漢

虎符驗則文帝以前蓋有虎符矣
此謂初作者豈非用銅於此始乎

齊哀王傳王欲發

兵誅諸呂魏勃給相召平曰王欲發兵非有漢虎符驗

也而相君圓王固善 嚴助傳建元三年東甌告急上

曰吾新即位不欲出虎符發兵郡國遣助以節發兵會

稽守距法不為發 吳王濞傳弓高侯顏當責膠西王

卬曰未有詔虎符擅發兵擊義國 咸宣傳武帝時盜

起乃使光祿大夫范昆故九卿張德等衣繡衣持節虎

符發兵以興擊 嚴延年傳為河南守左馮翊缺上欲

召延年符已發為其名酷復止注應劭曰符竹使符也
藏在符節臺欲有所拜召治書侍御史符節令發符下
太尉也 賈捐之傳淮南王盜寫虎符陰聘名士 馮
野王傳為琅邪太守御史中丞劾奏野王賜告養病而
私自便持虎符出界歸家奉詔不敬 後志符節令一
人尚符璽郎四人本注曰舊二人在中主璽及虎符竹
符之半者 杜詩傳建武八年初禁網尚簡但以璽書
發兵未有虎符之信上疏曰舊制發兵皆以虎符其餘

召調竹使而已符第合會取為大信所以明著國命斂
持威重也間者發兵但用璽書或以詔令可立虎符以
絕姦端從之注符信也漢世以竹長六寸 陳球傳太

守分國虎符 實固傳詔耿秉劉張皆去符傳以屬固

注專將兵者並有符傳擬合之取信 周禮掌節金節

注鄭謂今漢有銅虎符

或曰周禮以英蕩輔之英刻書也蕩竹箭也刻書所使之事以

助三節之信則漢之竹使符其遺制也

典瑞珍圭牙璋注杜子春云珍

圭若今時召郡守以竹使符鄭司農云牙璋若今以銅

虎符發兵 小行人管節注鄭謂若今竹使符 文選
冊魏公文金虎符第一至第五竹使符第一至第十
古今注金虎符銀錯書之 高紀秦王子嬰封皇帝璽
符節注師古曰符謂諸所合符以為契者 韓信傳漢
王馳入壁奪其印符麾召諸將易置之 文紀奉天子
璽符再拜上

漢入關符 關傳

紀文帝十二年三月除關無用傳注張晏曰傳信也若

今過所也如淳曰兩行書繒帛分持其一出入關合之
乃得過謂之傳也李奇曰傳禁也師古曰張說是也古
者或用禁或用繒帛禁刻木為合符也景帝四年春

復置諸關用傳出入宣帝本始四年正月詔載殺入

關者得毋用傳傳終軍詣博士步入關關吏與軍繻

曰為復傳還當以合符軍棄繻去注繻符也裂繻頭合

以為符甯成詐刻傳出關歸家注師古曰傳所以出

關之符也汲黯曰文吏繩以為關出財物如邊關注

臣瓚曰無符傳出入為關 後傳郭丹從使者買符入
函谷關曰不乘使者車終不復出關 周禮司關凡所
達貨賄者則以節傳出之注傳如今移過所文書 蕭
何以信謹守管籥 趙綰王臧欲除關

漢尺籍伍符 漢軍法

馮唐傳對文帝曰夫士卒盡家人子起田中從軍安知
尺籍伍符注李奇曰尺籍所以書軍令伍符軍士五五
相保之符信也如淳曰漢軍法曰吏卒斬首無尺籍書

下縣移郡令人故行不行奪勞二歲伍符亦什伍之符
要節度也史記注或曰以尺簡書故曰尺籍索隱曰尺
籍者書其斬首之功於一尺之板伍符者命軍人伍伍
相保不容姦詐 史記循吏傳子產為相五年士無尺
籍正義一尺方板之籍書什伍相保也 晁錯傳古之
制邊縣以備敵使五家為伍伍有長韓延壽東郡都試
騎士五騎為伍尹賞為長安令與亭長里正父老伍人
雜舉少年惡子周禮宰夫注如今伍伯疏云漢時五人

為伍伯長也是五人之長此漢之伍法也 禮小宰聽

政役以比居聽師田以簡稽注比居謂伍籍簡稽士

卒兵器簿書國語拱稽名籍也 尉繚子束伍令曰

五人為伍共一符收於將吏之所 李靖問對太宗

問伍法有數家孰為要靖曰左氏傳先偏後伍司馬

法五人為伍尉繚子有束伍今漢制有尺籍伍符後世

符籍以紙為之失其制矣穰苴謂五人為伍十伍為隊

此其要也 管子善牧民者非以城郭也輔之以什司

之以伍 史記秦獻公十年初為戶籍相伍

漢鐵印文符 宮門符籍 棨傳 通籍

續百官志凡居宮中者皆有口籍於門之所屬宮

名兩字為鐵印文符案省符乃內之

注胡廣曰符用木長尺二

寸若外人以事當入本宮長吏為封棨傳其有官

位出入令御者言其官 古今注傳以木為之長五

寸書符信於上又以一板封之皆封以御史印章

元紀初元五年四月令從官給事官司馬中者得為父

母兄弟通籍注應劭曰籍者為尺二竹牒設其年紀名字物色挂之宮中案省相應乃得入也 梁王傳梁之

侍中郎謁者著引籍

籍謂名簿也

出入天子殿門與漢宦官

無異 竇嬰傳太后除嬰門籍 京房傳願得通籍殿中奏事

漢瑞節

周禮春官典瑞正義先鄭云牙璋若今時以銅虎符發兵案文帝紀云云銅虎竹使符漢時皇帝使者之瑞節

則司農之意鎮圭牙璋之等亦王使之瑞節也

漢節鉞

晉禮志漢魏故事遣將出征符節郎授節鉞於朝堂其後荀顗等所定新禮遣將御臨軒尚書授節鉞依古兵書跪而推轂之義也

晉虎符

魏志注世語曰晉武帝世張敷為廣漢太守王濬在益州受中制募兵討吳無虎符敷收濬從事列上

宋銀字榮

志皇太子夜開諸門墨令銀字榮傳令信 王曇首傳
開門須白虎幡銀字榮

隋玉麟符 木魚符

樊子蓋傳為河南內史文帝令留守東都曰社稷大事
終以委公凡可施行不勞形迹今為公別造玉麟符以

代銅獸比之蕭何冠恂云

又文帝與漢王諒約若璽書召與玉麟符合則就道

文帝紀開皇九年閏月丁丑頒木魚符於總管刺史雌

一雄一十年十月甲子頒木魚符於京官五品已上

隋青龍符 銅魚符

紀開皇七年四月癸亥頒青龍符於東方總管刺史西方以騶虞南方以朱雀北方以玄武十五年五月丁亥制京官五品已上佩銅魚符

唐銀莢符 銅魚符 交魚符 巡魚符 開

門符 閉門符 月魚 轉信符 雙龍符

麟符 青龍符 朱爵符 騶虞符 玄武

符 隨身魚符 玉契 木契 又見下 魚符

又見下

高祖紀義寧二年四月辛巳

舊紀辛卯 高祖未受隋禪

停竹使符

班銀莛符武德元年

五月甲子 受禪改元

九月癸丑改為銅魚符

車服志初高祖入長安罷隋竹使符班銀莛符其後

改為銅魚符以起軍旅易守長京都留守折衝府捉兵

鎮守之所及左右金吾宮苑總監牧監皆給之畿內則

左三右一畿外則左五右一左者進內右者在外用始

第一周而復始宮殿門城門給交魚符巡魚符左右廂

給開門符閉門符亦左符進內右符監門掌之

又見門類

蕃

國亦給之雌雄各十二銘以國名雄者進內雌者付其
國朝貢使各齎其月魚而至不合者劾奏傳信符者以
給郵驛通制命皇太子監國給雙龍符左右皆十兩京
北都留守給麟符左二十右十九東方諸州給青龍符
南方諸州朱雀符西方諸州騶虞符北方諸州玄武符
皆左四右三左者進內右者付外行軍所亦給之隨身

魚符者以明貴賤應召命左二右一左者進內右者隨

身皇太子以玉契召勸合乃赴

崔神慶傳長安三年為禮部侍郎太子詹事十

一月丙申突厥使者入見皇太子應朝有司移文東宮召皇太子神慶諫曰五品以上佩龜蓋防微召之詐內出魚以合之况太子乎古者召太子用玉契今太子與陛下異官非朝朔望而喚者請降墨敕玉契詔可

秦

刻玉符約以子楚為適嗣

親王以金庶官以銅皆題某位姓名官有

貳者加左右皆盛以魚袋三品以上飾以金五品以上

飾以銀有傳符銅魚符者給封符印發驛封符及封魚

函用之有銅魚而無傳符者給封函還符封函用之木

契符者以重鎮守慎出納畿內左右皆三畿外左右皆五皇帝巡幸太子監國有軍旅之事則用之王公征討皆給焉左右皆十九太極殿前刻漏所亦以左契給之右以授承天門監門晝夜勘合然後鳴鼓百官志司門郎中凡有召者降墨敕勘銅魚木契然後入禮部郎掌符印門下省侍中二人發驛遣使則給魚符符寶郎掌符節內官司寶掌符契六典符寶郎主符三十人

志四

主節十八人一曰銅魚符二曰傳符三曰隨身魚

符四曰木契五曰旌節禮部凡內外百官有魚符之制

並出於門下省 會要西蕃諸國通唐使處悉置銅魚

各十二皆銘其國名如貢使正月來賫第一魚餘月准

此閏月則賫本月校其雌雄合乃依常禮待之差即推

案回紇傳奪舍光
門魚契走城外開元十六年十一月五日鴻臚卿奏

蕃國銅魚多有散失望令所司改鑄制可景龍三年十

月勅宮殿皇城京城禁苑門左右內外各給交魚符一

合巡魚符一合左廂給開門魚一合右廂給閉門魚一

合皆右符付監門非時啓閉用之咸亨五年九月勅諸
州都督刺史及上佐見執魚契者中間遷改須有分付
其有遷改無三官者留待攝官永泰二年九月二十三
日刺史都護長史有犯者降魚書停務大厯十二年五
月十日敕刺史替及別追降魚書然後離任自廣德後
不行此制貞元三年十月有司請舉舊制太和五年四
月鑄銅魚賜麟州 楊綰言舊制刺史被代若別追皆
降魚書乃得去開元時置采訪使得專停刺史威柄外

移

唐金魚符 金契

見賜蠻夷物門

唐旌節 節樓

車服志大將出賜旌以顓賞節以顓殺旌以絳帛五丈
粉畫虎有銅龍一首纏緋幡紫纁為袋油囊為表節垂
畫木盤三相去數寸偶垂赤麻餘與旌同 百官志符

寶郎凡命將遣使皆請旌節

有主節四人

節度使辭日賜雙

旌雙節行則建節樹六纛入境州縣築節樓迎以鼓角
衙仗居前旌幢居中大將鳴珂金鉦鼓角居後州縣齋
印迎于道左視事之日設禮案高尺有二寸方八尺判
三案罷秩則以節度使印自隨留觀察使營田等印鑱
節樓節堂以節院使主之祭奠以時 國朝三朝志旌
節唐天寶中置凡命節度使有司給門旗二旌一節一
麾槍二豹尾二金節隋制也黑漆竿上施圓盤周綴紅
綜拂八層黃繡龍袋籠之王公以下皆有節制同金節

韜以碧油 韓文旌節有韜豹尾神旗橐瓊戟纛 令
狐楚云旌惟進善節以詰姦 柳宗元平淮夷雅金節
煌煌錫盾雕戈犀甲熊旂威命是荷 劉三復滑州節
堂記受脤之日掌節者以王命傳信俾先啓行至則考
善地庇豐屋麾旆以翼之歌鍾以樂之非征伐宴犒申
威行令未嘗出

唐木契

又見上

六典太府寺凡木契九十五隻二十五隻與少府將作

苑總監七十隻與庫官合注太府寺管木契七十隻十隻與左藏東庫合十隻西庫十隻右藏內庫十隻外庫十隻東都左藏庫十隻右藏庫九雄一雌九雄主簿掌一雌庫官掌又五隻與右藏朝堂庫合五隻與東都左藏朝堂庫合金部置木契與應出物之司相合以明出納之吝注一百一十隻二十隻與太府寺合云云倉部木契一百枚百官志倉部以木契百合諸司出納之數會要開元十三年三月二十日勅平盧幽州太原

朔方河西隴右劍南等七道節度使各置木契 周天
官大府秦漢以下不置并於司農少府梁天監七年始
置大府後魏太和改少府為大府

唐功臣鐵券 銘

代宗紀廣德元年七月壬子給功臣鐵券藏名于太廟
圖形凌烟閣 劉幽求傳景雲二年詔賜實封銘諸鐵
券以傳其功 陸贄集有賜李納王武俊安西管內黃
姓鐵券文 鐵券始於漢丹書鐵契

唐禁衛門籍

百官志左右監門衛掌諸門禁衛及門籍文武官九品以上每月送籍於引駕仗及監門衛衛以帳報內門凡朝參奏事待詔官及繖扇儀仗出入者閱其數監察御史正門無籍天授中詔側門置籍得至殿庭司門郎中掌門關出入之籍凡著籍月一易之儀衛志平明傳點畢內門開監察御史領百官入夾階監門校尉二人執門籍曰唱籍既視籍序班于通乾

觀象門南武居文之次入宣政門至閣門亦如之夾

階校尉十人同唱

會要貞元八年十月

舊紀

庚戌復命

金吾置門籍

唐府兵符契

見兵制

唐魚書

詳見上

百官志大理司直評事掌出使推按凡承制推訊請魚

書以往

又見九卿類

太平興國樞密院銀牌

三朝志唐制差發驛遣使則門下省給傳符以通天下之信皇朝符券皆樞密主之舊有銀牌給乘驛者闊一寸半長五寸刻隸字曰敕走馬銀牌貫以韋帶後罷之給券謂之頭子興國三年有詐乘驛者遂罷樞密院券別置新牌闊二寸半長六寸易以八分書上鈹二飛鳳下鈹二麒麟貫紅絲條

六月戊午詔乘驛者皆給銀牌復舊制也

端拱中多

遺失之者二年三月戊午又罷篆書銀牌復給樞密院

牒 乾道八年樞密院置雌黃青字牌紹熙四年改黑
漆紅字 淳熙三年尚書省置雌黃青字牌紹熙五年
改黑漆黃字 周顯德六年三月癸酉罷銅魚

牧守並
特降制

書

样符木契

样符元年六月辛丑命皇城司製安遠門木契以車駕
詣苑中由之也熙寧六年八月詔畿縣都保置木契左
留司農寺右付其縣凡追閱試則出契

康定銅魚符 咸平傳信牌

康定元年五月八日翰林承旨丁度等言准送下翰林

學士王堯臣知制誥葉清臣啓請制軍中傳信牌

此牌本咸

平六年十月戊寅給軍中因莫州都總管石普之請欲令將帥持破錢過傳令則合而為信真宗謂古兵符既廢因命

為此

及符事并端明殿學士李淑應詔檢閱故事令

兩制與端明殿學士詳定聞奏看詳所奏軍中符信切要杜絕姦詐合機宜今請下有司造銅兵符給諸路總管主將每發兵士三百人或全指揮以上即用又別用

傳信朱漆木牌應係給軍中往來之處每傳達號令關
報會合事宜及發起軍士三百人以下即用又檢到符
彥卿軍律有字驗亦乞於移牒傳信牌上兩處參驗使
用一銅兵符漢制銅鑄刻虎形今聞皇城司見有木魚
契文德殿門出入勘契太廟門入勘箭出則否欲乞令有司只約用木契形
狀精巧鑄造陝西五路每路依漢制各給一至二十計
二十四面更換給用仍示公牒為照驗一傳信木牌先
朝舊制合用堅木朱漆為之長六寸闊三寸腹背刻字

而中分之字云某路傳信牌却置池槽牙縫相合又鑿
二竅置筆墨上帖紙書所傳達事用印印號上以皮繫
軍吏往來之頂臨陣傳言應有取索並以牌為信寫其
上如已曉會施行訖復書牌上遣回今遣有司造牌每
路各合一面為樣令本司依此製造分給諸處更換使
用城寨分屯軍馬事往來關會之處亦如數給與之詔
從之

王堯臣起請李淑
檢會丁度奉行

八月二十四日端明殿學士李

淑等言參酌古制定銅符木契傳信牌形制及施用條

件銅符之制上刻篆字曰某處發兵符下鑄虎豹為飾而中分之右符五左旁作虎豹頭四左符一右旁為四竅令可契合又以篆文相向側刻十十字為號右五符留京師左符降付諸處總管鈐轄知州軍事官高者掌之凡樞密院下符發兵第一至第五周而復始指揮三百人至五千人用一虎一豹五千人以上用雙虎雙豹宣云下第一符發兵若干所在取左符勘訖即發兵與使者復緘右符以還木契上下題某處契中剖之上三

段中為魚形題一二三次第下一段刻空魚令可契合

左旁題云左魚合
右旁題云右魚合

上三段留總管鈐轄司下一段付諸

州軍城寨主掌之每發兵所在驗下契與上契合即發

兵傳信牌中為池槽藏筆墨紙令主將掌之每臨陣傳

命書紙內牌中持報兵官復書事宜內牌中而還仍臨

事密以字號為驗詔有司製造仍令淑領其事

兵志元年頒

慶厯元年十月十九日端明殿學士李淑等言准勅鑄

造符契傳信牌下諸路今已了畢取右符送樞密院其

左符契牌勅等欲自當所候差到使臣封印發送諸路
依奏 實錄康定元年十月乙未下有司製銅符木契
傳信牌慶厯元年十月己亥罷銅符木契 咸平傳信
牌以漆木為之長六寸闊三寸復背刻字而中分之
置鑿柄令可合又穿二竅容筆墨上施紙札每臨陣
則分而持之或傳令則書其言而係軍吏之頸至彼
合契乃書而復命焉 實錄咸平中石普建言軍中
號令遣人馳告之慮為奸詐請持破錢合而為信帝因

製傳令牌

皇祐丈德殿魚契

皇祐二年九月十四日庚子皇城司上新作文德殿香
檀魚契契有左右左留中右付本司各長尺有一寸博
二寸八分厚六分刻魚形鑿柄相合縷金為文車駕至
門勘契官皇城司主之執右契奏閤門使降左契勘契官跪
奏勘畢奏云外契合辛亥享明堂勘契之式不見於開元
開寶禮咸平初載於儀注凡勘箭左右金吾仗司主

之箭筈長二尺五寸闊二寸一為雄鵠箭留中一為辟仗箭藏本司

凡宣德門出左仗主之景靈宮入右仗主之太廟入左
仗主之南薰門入則勘出則否 熙寧四年王珪議罷
勘箭元豐元年陳襄請罷勘契

熙寧銅魚符

熙寧五年六月十八日丙寅令西作坊鑄造銅符三十

四副給左契付諸門右契付大內鑰庫

志云今所司給左契付諸門右

契付內鑰匙庫從樞密副使蔡挺之言也

上以京城門禁不嚴素無符契命

樞密院約舊制更造銅契中刻魚形以門名識之分左右給納以戒不虞而啓閉之法密矣 七年九月蔡挺又請置三十七將將有正副以畿縣及諸道兵分隸皆給虎符癸丑從之 神宗史志皇城司掌官城出入之禁令凡門給銅符二鐵牌一左符留門右符請鑰鐵牌則請鑰者自隨以時參驗而啓閉之

建炎虎符

建炎三年五月二十六日癸卯改鑄虎符

見行虎符今綴納樞密院

紹興銅虎符

紹興五年四月乙卯改鑄東南十將京畿第二將紹興
銅虎符

紹興藩邸旌節

紹興三十二年八月一日孝宗詔藩邸旌節迎詣天章

閣安奉從禮部太常之請也淳熙十六年光宗踐阼紹


熙五年寧宗踐阼亦如之

用朱漆青地金字牌題
其上如元豐延安故事

紹

興三年正月辛未賜劉光世兩鎮節度使印及別賜寧

國軍旌節自是為例 周牙璋起旅漢羽林召兵 古
有兵符無忌竊晉鄙之類高帝奪韓信印符麾召諸將



玉海卷八十五

欽定四庫全書

子部

玉海卷八十六

詳校官給事中臣查善長

主事臣祁韻士覆勘

總校官進士臣朱 鈐

校對官學政臣翁樹棠

謄錄監生臣戴瑛

欽定四庫全書

玉海卷八十六

宋 王應麟 撰

器用

佩帶笏

釋名佩倍也言其非一物有倍貳也有珠有玉有容
刀有帨巾有觶之屬也帶帶也著於衣如物之繫帶
也笏忽也君有教命及所啓白則書其上備忽忘也

舜白環佩 佩環

後漢馬融傳廣成頌納僬僥之珍羽受王母之白環注
帝王紀曰舜時僬僥氏來貢其沒羽西王母慕舜之德
來獻白環 文選景福殿賦納虞氏之白環注世本曰

舜時西王母獻白環及佩

一云獻白環玉玦

瑞應圖黃帝時

西王母使乘白鹿獻白環之休符舜時復來獻 宋志

西王母舜時來獻白環白琯 子華子舜出則有鸞和

動則有珮環步趨中莖韶之節 拾遺錄顓頊時勃鞞

國獻黑玉之環

周武王笏 玉笏 象笏

淮南子齊俗訓武王勝殷搢笏杖屨以臨朝 周書武
王不閉外門以示無懼去劍搢笏以示無懼 樂記武
王郊射裨冕搢笏 左傳桓二年臧哀伯曰衮冕黻珽
帶裳幅舄衡紃紼昭其度也注珽玉笏也若今吏之
持簿疏管子云天子執玉笏以朝日或曰笏可以簿疏
物也徐廣車服儀制曰古者貴賤皆執笏即今手板也

然則笏與簿手板之異名耳蜀志稱秦密見太守以簿
擊頰則漢魏以來皆執手板故云若今吏之持簿珽一
名大圭典瑞云王晉大圭以朝日是也考工記大圭長
三尺天子服之是天子之圭長三尺玉藻云笏度二尺
有六寸短於天子 玉藻天子搢珽方正於天下也諸
侯荼前詘後直遜於天子也大夫前詘後詘無所不遜
也將適公所史進象笏書思對命笏天子以球玉美玉也
諸侯以象大夫以魚須文竹士竹本象可也大夫士笏俱用竹大

夫以魚須飾之士以象骨為飾不敢純用一物所以下人君也

見天子與射無說笏有

指畫於君前用笏受命於君前則書於笏

疏凡臣見君皆執笏所以

記事

隋志五經要義曰笏所以記事防忽忘禮圖云度

二尺有六寸中博二寸其殺六分去一晉宋以來謂之

手板 洞冥記周公以玉笏與孟岐 穆天子傳天子

大服冕褱帔帶指芻夾佩 荀子天子御珽諸侯御荼

大夫服笏禮也 周遷車服雜事應仲遠云秦侍官執

刀劍漢高祖偃武脩文始制以手板代馬 仲長子曰

笏以書君教令記善刺過今之手板以象焉 胡氏曰
古者君臣所執五玉三帛二生一死皆以為贄而已笏
則搢之以記事不執之以為儀也宇文周乃不脩贄
而執笏於是攝齊鞠躬之禮廢 周禮疏漢有搢紳之
士謂搢笏於紳在君前以笏記事後代用簿簿今手板

周佩玉 服玉

周禮玉府

上士二人
中士四人

共王之服玉佩玉珠玉合諸侯共

珠槃王齊則共食玉注佩玉王所帶者玉藻曰天子佩

白玉而玄組綬詩傳曰佩玉上有葱衡下有雙璫衝牙

蠙珠以納其間鄭司農云服玉冠飾十二玉

三禮圖佩上有雙衡

長五寸博一寸下有雙璫徑一寸衡牙長三寸

槃盛軟血珠玉以為飾珠槃以

盛牛耳血尸盟者執之禮記玉藻一命緼韍幽衡再命

赤韍幽衡三命赤韍葱衡

注衡佩玉之衡

古之君子必佩玉左

徵角右宮羽

五聲所中也

趨以采齊

音茨

行以肆夏周旋中規

折還中矩進則抑之退則揚之然後玉鏘鳴也故君子

在車則聞鸞和之聲行則鳴佩玉是以非辟之心無自

入也君在不佩玉左結佩右設佩

按注云謂世子也出所處而君在焉則去

德佩而設事佩辟德而示即事也結其左者若於事有未能也結者結其綬不使鳴正義云左佩亦玉佩結其綬不使鳴非謂全去故取賀氏之說愚謂鄭義為是若果如孔說左佩玉而結之必不垂不佩玉之訓也鄭謂去德佩者釋不佩玉也謂設事佩者左佩亦在其中故曰結其左者若於事有未能

居則設佩

謂所

處君不在朝則結佩

朝於君亦結左

齊則綰結佩而爵韞凡帶必有

佩玉唯喪否佩玉有衝牙

居中央以前後觸也

君子無故玉不去

身君子於玉比德焉天子佩白玉而玄組綬公侯佩山

玄玉

玉色似山之玄

而朱組綬大夫佩水蒼玉

似水之蒼

而純組綬

世子佩瑜王

玉之美者

而綦組綬士佩璫玫

石次玉者

而緼組綬

通典云周制

注綬所以貫佩玉相承受者正義尊者

玉色純公侯以下玉色漸雜而世子及士唯論玉質則

玉色不定也

月令春服倉玉

注凡所服玉謂冠飾及所佩者之璜璜也

夏服赤

玉中央服黃玉秋服白玉冬服玄玉 周書玉佩解第

六十五序曰王者德以飾躬用所為佩作玉佩

周書又曰武王

俘商得佩王億有八萬

詩鄭風女曰雞鳴知子之來之雜佩以

贈之知子之順之雜佩以問之知子之好之雜佩以報

之

注雜佩者珩璜琚瑀銜牙之類

有女同車將翱將翔佩玉瓊琚

秦風渭陽何以贈之瓊瑰玉佩 小雅采芑有瓊蔥珩

注蔥蒼也

三命蔥珩

大東韜韜佩璲

璲以瑞玉為佩

漢杜欽傳佩玉

晏鳴闕睢歎之注李奇曰后夫人雞鳴佩玉去君所周

康王后不然故詩人歎而傷之臣瓚曰此魯詩也 穆

天子傳七萃之士天子嘉之賜以左佩華

注玉華之佩佩之精者

左傳衣身之章也佩衷之旗也

周玉璜

周禮弁師掌王之五冕皆玄冕朱裏延紐五采繅十有

二就皆五采玉十有二玉筭朱紘諸侯

侯當為公

之繅存九

就璫玉三采其餘如王之事繅存皆就玉瑱玉筭

注玉瑱塞

耳者

詩君子偕老篇玉之瑱也箋充耳所以垂瑱者或

名為統織之人君五色臣則三色

淇澳篇充耳琇瑩

注充耳謂之瑱琇瑩美石也天子玉瑱諸侯以石 左

傳疏周禮追師掌王后之首服追衡筭鄭司農云衡維

持冠者鄭玄云祭服有衡垂於副之兩旁當耳其下以

紘垂瑱男子首服亦然追者治玉之名王后之衡以玉

為之弁師弁及冕皆用玉笄則天子之衡亦用玉統者垂瑱之繩垂於冠之兩旁魯語王后親織玄紕公侯夫人織紃紕冕弁皆有笄故用紃緇布冠無笄故用纓

論語疏按今禮圖衮冕以下皆有充耳天子以黼纁諸侯以青纁 隋志天子玉笄導亦如之 唐禮志皇帝

加元服殿中監陳衮服緇纁玉簪及櫛三物同箱 博古圖宰辟父敦銘曰錫汝華朱芾玄衣束帶於鑒草錫戈琫戟彤侯矢用養乃祖考毛父敦銘曰錫赤芾

周朱芾 赤芾

詩斯干朱芾斯皇箋天子純朱諸侯黃朱疏乾鑿度以

為天子之朝朱芾諸侯之朝赤芾

白虎通芾者蔽也行以蔽前天子朱芾諸

侯赤芾以韋為之上廣一尺下廣二尺

采芑朱芾斯皇注黃朱芾也

侯人三百赤芾注芾韠也一命緼芾黝珩再命赤芾黝

珩三命赤芾葱珩

見玉藻

大夫以上赤芾乘軒疏芾是配

冕之服祭服謂之芾他服謂之韠 采菽赤芾在股邪

幅在下箋芾太古蔽膝之象也冕服謂之芾其他服謂

之韞

疏古者衣皮此存其象玉
藻韞君朱大夫素士爵韞

其制上廣一尺下廣二

尺長三尺其頸五寸肩革帶博二寸邪幅如今行滕

車攻赤芾金舄

王氏曰涖其臣庶則朱芾君道也故方
叔服其命服則朱芾會同於王則赤芾

臣道也故此會
同有韞則赤芾

易困九二朱紱方來利用享祀注朱

深云赤

周大帶 鞶鑑

左傳桓二年鞶厲游纓昭其數也注鞶紳帶也一名大帶厲大帶之垂者莊二十一年夏鄭伯享惠王王以

后之鞶鑑與之注鞶帶而以鑑為飾今西方羌胡為然
古之遺服 襄二十九年吳季札聘鄭見子產與之縞
帶注大帶也 定六年衛公叔文子曰定之鞶鑑 易
或錫之鞶帶 詩都人士垂帶而厲疏禮大帶垂三尺
芄蘭容兮遂兮垂帶悸兮 鴈鳩淑人君子其帶伊
絲箋大帶用素絲有雜色飾焉 禮記男鞶革女鞶絲
婦事舅姑施繁褰 周禮云云疏凡帶有二大帶大夫
已上用素士用練即紳也今挿笏者於紳之外帶之內

又有革帶所以佩玉若帶劍在紳帶之間同處也 武
王有帶銘 魯語卿之內子為大帶注緇帶也 揚子
今之學繡其鞶悅

周赤舄

見服類

楚白珩

楚語王孫圉聘於晉定公饗之趙簡子 鞶鳴玉以相問
於王孫圉曰楚之白珩猶在乎

注珩佩玉
上之橫者

對曰然曰其

為寶也幾何矣曰未嘗為寶楚之所寶者曰觀射父能

作訓辭又有左史倚相能道訓典

言以賢為寶
不以寶為寶

又有藪

曰雲連徒洲云云此楚國之寶也若夫白珩先王之玩
也何寶焉圉聞國之寶六而已聖能制議百物以輔相
國家則寶之玉足以庇廕嘉穀使無水旱之災則寶之
龜足以憲臧不則寶之珠足以禦火災金足以禦兵亂
山林藪澤足以備財用則寶之若夫譁囂之美楚雖蠻
夷不能寶也 禮象白珩蓋天子之玉葱珩蓋卿大夫

之玉 左傳蔡昭侯為兩佩獻一佩於楚昭王 楚
辭被明月珮寶璐 孟子諸侯之寶三土地人民政
事

孔子象環

禮記玉藻孔子佩象環五寸而綦組綬注謙不比德亦
不事也象有文理者也環所以循無窮正義失魯司冠
故謙不復佩德佩事佩示已無德事也象環者象已有
文章文教循環無窮五寸法五行言文教成人如五行

成物 錢起有象環賦 白虎通修道無窮即佩環

鹽鐵論子思子之銀珮美於虞公之垂棘

漢金飭具帶 金犀毗

匈奴傳孝文前六年遺匈奴服繡袷綺衣長襦錦袍各
一比跽一黃金飭具帶一黃金犀毗一注孟康曰要中
大帶張晏曰鮮卑郭洛帶瑞獸名師古曰胡帶之鉤亦
曰鮮卑亦謂師比 孝惠時侍中貝帶 穆天子傳天
子征至赤烏之人赤烏氏先出自宗周乃賜貝帶五十具

漢革舄

賜尚書履

赤舄

見晁服類

東方朔傳朔對曰孝文皇帝足履革舄注師古曰革生皮也不用柔韋言儉率也揚雄傳賦曰革鞜不穿

王符傳潜夫論孝文躬衣弋絺革舄韋帶貢禹傳孝

文衣絺履革器亡珣文金銀之飾鄭崇傳哀帝每見

曳革履笑曰我識尚書履聲

隋志按圖云複下曰舄單下曰履

王喬

傳顯宗世為葉令每詣臺有雙鳬從東南飛來舉羅張之但得一雙舄詔尚方診視則四年中所賜尚書官屬履也

輿服志注漢舊儀曰乘輿帶七尺斬蛇劍履虎舄履 永

平赤舄舄履

見上

班婕妤賦思君兮履綦 李尤有文

履銘

周武王於履為銘

曹植七啓金華之舄動趾遺光 本

朝重和元年以鞞胡服改用履隆興二年改服鞞參用履之制飾以約纁純綦

漢大佩衝牙 玉佩 金錯鈎佩 佩刀佩劍

見後

續志古者君臣佩玉尊卑有度上有韜貴賤有殊佩所

以彰德服之衷也韎所以執事禮之共也威儀之制三代同之五伯迭興戰兵不息佩非戰器韎非兵旗於是解去韎佩留其係璲以為章表故詩曰韎韐佩璲秦乃以采組連結於璲

徐廣曰今名璲為縱

光明章表轉相結受故謂

之綬漢承秦制用而弗改加以雙印佩刀之飾至孝明

皇帝乃為大佩衝牙雙璫璜

初學記引董巴志云渠璜

皆以白玉乘

輿絡以白珠公卿諸侯以采絲其視冕旒為祭服云

注月

今章句曰佩上有雙衝下有雙璜璫璫以雜之衝牙璫珠以納其間

紀永平二年春正

月辛未宗祀明堂玉佩絢屨以行事

徐廣曰明帝復制
韞天子赤皮蔽膝

魏晉用
絳紗

楊賜傳光和四年拜太常賜玉壺革帶金錯

鈎佩

後五行志注陳宣諫曰車則和鸞步則佩玉動靜

應天

雋不疑佩環玦

左雄言九卿大臣行有佩玉之

節

王藻正義凡佩玉必上繫於衡下垂三道穿以蠙珠

下端前後以懸於璜中央下端懸以衝牙動則衝牙前後

觸璜而為聲所觸之玉其形似牙故曰衝牙

唐人有
衝牙賦

晉志三夫人金章紫綬佩于寘玉九嬪銀印青綬佩采

璚玉 潘岳西征賦飛翠綏拖鳴玉

漢革帶 晉紫囊

楊賜傳光和四年賜玉壺革帶金錯鉤佩 晉志革帶
古之鞶帶也謂之鞶革其有囊綬則綴于革帶其戎服
則以皮絡帶代之八坐尚書荷紫以生紫為袷囊綴之服
外加於左肩昔周公負成王制此服至今以為朝服一
曰漢世用盛奏事負之以行 隋志東觀書詔賜鄧遵
獸頭鞶囊一枚班固與弟書遺仲升獸頭旁囊金錯鉤

獸一
作虎
禮圖曰璫綴於革帶阮諶以為有印章則佩之

漢替筆 魏白筆 晉白筆

漢書張安世持橐替筆事武帝數十年注張晏曰橐契囊也近臣負囊替筆從備顧問或有所紀也師古曰橐所以盛書無底曰橐替筆者挿筆於首 魏志明帝見殿中侍御史替白筆側階而立問曰此何官也辛毗曰御史替筆書過 晉志古者貴賤皆執笏笏者有事則書之故常替筆今之白筆是其遺象三臺五省二品文

官簪之王公侯伯子男卿尹及武官不簪加內侍者乃簪之尚書令僕手板頭復有白筆以紫皮裹之 宋志紳垂三尺笏者有事則書之云云 同晉志 朝服肩上有紫生袷囊綴之朝服外俗呼曰紫荷或云漢代以盛奏事負荷以行未詳也

魏玉佩

王粲傳注摯虞決疑要注曰漢末喪亂絕無玉佩魏侍中王粲識舊佩始復作之今之玉佩受法于粲 隋志

按禮天子佩白玉今參用杜夔之法天子白玉太子瑜

玉王山玄玉自公以下皆水蒼玉 魏太子聞鍾繇有

玉玦欲得之繇即送之 晉賜王祥山玄玉珮衛氏玉

玦綬笥 采賁蓬楹響聞繩戶

褚淵謝賜佩

隋九環金帶

李德林傳開皇元年敕令德林與于翼高頴等同修律

令事訖奏聞別賜九環金帶一胄駿馬一匹 後周武

帝賜熊安生九環金帶

隋萬釘寶帶

楊素傳開皇十八年突厥達頭可汗犯塞以素為靈州
行軍總管出塞討之賜物二千段黃金百斤素奮擊大
破之達頭被重創而走殺傷不可勝計優詔褒揚賜縑
三萬匹及萬釘寶帶唐志隋文帝云云唯天子之帶
有十三環李穆上隋文帝十三環金帶蓋天子服元魏帝解所服金鏤
玉梁帶賜侯莫陳順

唐萬釘寶鈿金帶 紫袍龜帶

見賜時服

夷狄傳西突厥獻萬釘寶鈿金帶 罽賓武德二年貢

寶帶 環王貞觀時獻五色帶 房玄齡傳太宗賜玄

齡黃銀帶 李光顏傳元和十三年春御麟德殿召對

賜金帶錦綵 齊田單黃金橫帶 吳陸遜破曹休脫

御金帶以賜

唐佩韜韞 佩魚 詳見章服類 玉梁寶鈿帶

車服志初職事官三品以上賜金裝刀礪石一品以下

有手巾篋袋佩刀礪石 會要上元元年八月二十一日戊戌敕 睿宗時 景雲

二年四月二 罷佩刀礪石而五品以上佩韝韞七事佩刀

十四日敕

刀子礪石契苾真職厥針筒火石是也 泉男生奉衆內附高宗賜袍帶金鈿七事 帶之制三品

以上玉梁寶鈿五品以上金梁寶鈿六品以下金飾隱

起而已

帶一品二品鑄以金六品以上以犀九品以上以銀

元和十二年太子

少師鄭餘慶言百官服朝服者多誤自今唯職事官五

品兼六品已上散官者則有佩劍綬其餘皆省文宗詔

勲官諸司佩刀礪紛悅 百官志中尚令製魚袋給百

官 會要永徽二年四月二十九日開府儀同三司及

京官文武職事四品五品並給隨身魚袋

舊志五月
新志三品四

品有飾金與銀之別且出
內必合以防召命之詐

五年八月十四日

已

敕帶魚

之法用為褒飾咸亨三年五月三日始令京官四品職

事五品佩銀魚是日內出魚袋徧賜之

三品已上賜金
紫刀子礪石

武后垂拱二年正月二十日都督刺史準京官帶魚天

授元年九月二十六日改內外官佩魚為龜至神龍元

年二月四日復佩魚

朝野僉載唐上元中今九品已上
佩刀礪莫袋忤悅為魚形結帛作

之取魚之衆鯉強之兆也

程大昌演
繁露載武后以玄武為龜故改龜佩

久視元年十月

十三日龜袋三品用金飾四品銀五品銅神龍元年九月十七日嗣王郡王階卑者許佩金魚至開元元年八月二十日親王長子帶郡王者聽佩魚神龍二年八月京文官五品已上依舊式佩銀魚三年八月令特進佩魚散職佩魚自茲始蘇氏記曰自永徽已來正貲官始佩魚至開元八年九月十四日中書令張嘉貞奏致仕及内外官五品已上檢校試判及内供奉官準正貲例佩魚自後恩制賞緋紫例兼魚袋謂之章服景雲二年

四月二十四日魚袋著紫者金裝緋者銀裝

金銀銅之飾雖摩於

久視而用以飾魚配於緋紫不限品秩者至景雲而後定

開元二年閏二月

一云三月癸卯

勅靈武等軍賜金魚袋二十銀魚袋五十枚臨時行

賞白居易集賜金紫詩魚佩葺鱗光照地鶻銜瑞帶

勢冲天緋魚詩魚綴白金隨步躍鶻銜紅綬遶身飛

炙轂子魚袋古之箕袋取合魚符之義 宋朝雍熙

元年十一月丁卯郊祀畢內出魚袋賜近臣由是文武

官皆佩魚紫以金緋以銀

伎術官不佩

元豐二年五月癸巳

翰林學士蒲宗孟加佩魚大觀元年十一月詔太中大夫以上至中書舍人犀帶垂魚自霍端友始借服得佩魚始於政和元年十一月十七日兵部侍郎王詔之奏請馬永卿曰今魚袋乃古魚符必以魚者分左右可以合符唐用袋盛魚今以魚飾袋

唐紅玉帶 白玉帶

通監開元七年九月甲寅徙宋王憲為寧王上從複道中見衛士棄餘食憲從容諫釋之是日上宴飲極歡自

解紅玉帶并所乘馬賜憲楊元卿傳為金吾長慶初
賜白玉帶李載義傳太和三年平李同捷文宗賜白
玉帶就幽州賜之

唐金鈿帶

突厥傳天寶初賜拔悉密紫文袍金鈿帶西域傳開
元初賜天竺錦袍金革帶魚袋官志中尚令蕃客賜
寶鈿帶魚袋則授鴻臚

唐賜良笏

憲宗元和五年二月李絳以直諫進中書舍人

諫立聖德碑故

有是拜

翌日賜金紫憲宗親擇良笏與之且曰異時膺顧

託南面當如此

會要五年二月面諭吐突承雅兵無功本傳論宦官橫肆帝曰疾風知勁

草卿當之矣云云絳頓首

冊府元龜元和二年絳為司勳郎中充

翰林學士因浴堂北廊奏對指切時病及論中官縱恣

方鎮進獻上曰真忠正之臣也改中書舍人依前翰林

學士翌日面賜金紫帝親為絳擇良笏賜之

舊史同

唐賜通天御帶 賜玉帶

裴度傳拜淮西宣慰招討處置使

舊紀元和十二年七月丙辰

入對

延英曰主憂臣辱義在必死賊未授首臣無還期帝壯

之為流涕及行帝御通化門臨遣

八月三日庚申

賜通天御帶

舊紀云犀帶

發神策騎三百為衛

平淮西碑度賜汝節斧

通天御帶衛卒三百

因話錄云賜玉帶

會要元和七年二月

癸卯誕節李吉甫進馬二匹賜通天犀帶以答之

又宣宗賜

中尉馬元贄通天犀帶以遺馬植

列傳白敏中以司空平章事兼邠

寧節度使

大中五年三月

時党項數寇邊宜得大臣撫鎮及行

宣宗御安福樓以餞爾書慰諭賜通天帶衛以神策兵
開府辟士禮如裴度討淮西時 鄭注節度鳳翔文宗賜
通天犀帶 封敕李德裕進太尉敕草其制解所賜玉
帶贈之 王播自淮南還獻玉帶十有三 張允伸咸
通十年賜玉帶寶器 李德裕有通犀帶賦 李勣贈
屬僚二人佩刀玉帶 李愬遺牛元翼寶劍玉帶

唐甘棠笏 笏囊 詩笏

又見御
詩類

魏暮傳魏徵五世孫也文宗開成三年為起居舍人帝

問卿家書詔頗存乎對曰唯故笏在詔令上送鄭覃曰
在人不在笏帝曰此笏乃今甘棠 孫樵文貞公笏銘

序曰大中六年詔出文貞公笏歸其孫丞相墓銘曰靈
豸薦角比干獻骨合以憤烈在公為笏怒虎可唾笏不
可挫泰華可裂笏不可折柱天不仄指日不蝕標儀條

直起梗開直

李衛公故物亦有象
笏一差狹不類今笏

張九齡傳故事公

卿皆措笏于帶而後乘馬九齡使人持之因設笏囊自
九齡始 王起傳加皇太子侍讀文宗題詩太子笏以

賜 會要武德四年七月十六日詔五品以上執

象笏六品已下執竹木笏其月敕凡笏周製也晉

宋謂之手板近代唯尚書執笏公卿但以手板後

周保定四年

三月庚辰

百官始執笏云云開元八年九

月敕諸笏三品已上前絀後直五品以上前絀後挫

并用象九品以上上挫下方用竹木 車服志象

笏上圓下方六品以竹木上挫下方 禮志皇太

子加元服陳袞冕金飾象笏 回鶻傳貞觀中點

夏斯來朝太宗勞享之奏願得持笏 列傳魏徵

太宗得徵書一紙始半藁曰去邪勿疑任賢勿猜

曰公卿侍臣可書於笏知而必諫 褚遂良致笏殿階

崔澄

一云崔滌

玄宗以慎密字親書笏端 崔琳每歲時

宴于家以一榻置笏猶重積其上 崔玄亮拜右常侍

率諫官叩延英苦諍置笏在陛 段秀實奪源休象笏

擊朱泚 顧少連欲擊裴延齡以笏 元稹云文皇敕

起居郎書居安思危四字于笏為至戒 後唐天成元

年出象笏三十二面賜百官無笏者

唐賜珍器玉帶

李光顏傳還鎮忠武

長慶元年十一月辛巳

穆宗御通化門臨送

宰相百官班餞賜珍器良馬玉帶

時將伐鎮州光顏以十二月戊寅為忠

武節度辛巳赴鎮

常袞謝玉帶牙笏表云魚須在手虹玉橫

腰李賀詩腰圍白玉冷

唐佩筆于闐玉帶大觿

李靖傳五代孫彥芳太和中為鳳翔司錄參軍家故藏

高祖太宗賜靖詔書數函上之一曰兵事節度皆付公
吾不從中治也一曰有晝夜視公疾大老嫗遣來吾欲
熟知公起居狀皆太宗手墨他大畧如此文宗愛之不
廢手其舊物有佩筆以木為管弢刻金其上別為環以
限其間筆尚可用也靖破蕭銑時所賜于闐玉帶十三
胯記云于闐獻三帶其一也高祖所賜七方六刃胯各附環以金固
之所以佩者又有火鑑大觴箕囊柳盃等物常佩于帶
者記又有素錦袍紫文綾襖靴袴象笏記云十三物亡其五存者八天子悉留禁中又

敕摹詔本還賜彥方并束帶衣服權德輿常讀太宗手
詔至流涕曰君臣之際乃爾邪 文粹韋端符衛公故
物記曰大帝為兒時與公子某戲賜以皇子服物黃綾
袍為龍鸞文素錦襖絳五采素錦半袖小笏皆綴巧又
曰文皇賜書二十通多言征討事厚待勞苦信必威賞
而已 詩童子佩觿注觿所以解結成人之佩疏如錐
以象骨為之

建隆賜玉帶

建隆元年正月賜宰相樞密使諸軍列校襲衣犀玉帶
鞍勒馬有差三年四月賜定難節度李彝興玉帶乾德
元年二月丙戌賜天雄節度符彥卿襲衣玉帶熙寧
六年十月辛巳_{日十二}熙河奏捷紫宸殿稱賀上解所服
白玉帶賜宰臣王安石翌日表謝宣和七年十二月丁
巳賜皇太子碾龍排方玉帶建炎三年四月解所服玉
帶命內侍覆去龍飾賜知樞密院張浚曰此祖宗御府
所寶也李端懿侍東宮解方玉帶賜之

舊弼若太傅史浩

淳熙十三年二月
壬子賜玉帶金魚

宗室若永陽

郡王居廣

乾道四年
十二月

嗣濮王士輅

九年正月

恩平郡王璩

十伯圭

淳熙九年九
月十七日

仲忽

徽宗
時

勲臣若劉光世

紹興

元張俊

十一年十
月巳未

楊存中

二十一年
吳璘三十

戚畹若

吳蓋

乾道二
年四月

謝淵

年月並
無攷

楊次山

開禧三年十
二月甲子

皇祐二年十月三日賜致仕太子太傅杜衍少師任布

襲衣笏頭金帶

王貽永同平章事李昭亮易昭德節

皆賜方團金帶

靖康末括金賂敵詔羣臣服金帶者

權以通犀帶易之獨存金魚又執政則正透從官則倒透至建炎中興朝廷草創猶用此制呂好問為右丞特賜金帶高宗面諭曰此帶朕自視上方工為之蓋特恩也紹興三年兵革粗定始詔依故事服金帶

太平興國賜進士錄袍韉笏

興國二年正月十日癸酉賜新及第進士諸科綠袍韉笏

未命以官先解
褐非常則也

三年九月二日賜胡旦已下自是以

為定制

端拱瑞草毬文帶 元祐賜犀帶

端拱中

實錄作淳化

作瑞草毬路文方團胯帶副以金魚賜

中書樞密院文臣景德四年二月壬午賜太子太師呂

蒙正

太宗於紫雲樓下命巧匠造金帶三十條一自御之一賜曹彬

金帶六種金笏

頭帶

賜宰輔使相等副以魚袋

御仙花帶

武臣無魚三司使學士中丞金魚 毬文四方五圓

御仙花排方

金塗帶九種

文臣換武賜金塗銀寶餅帶軍班換前班賜金塗銀帶有寶餅荔支

雙鹿之別伎術官銀帶

金束帶八種犀帶一種

知制誥賜牯犀帶金魚大觀二年五

月丙寅詔中書舍人待制諫議服紅鞋犀帶不佩魚乾道九年十二月詔服紅鞋排方黑犀帶佩魚權侍郎同

元祐二年八月戊申以復洮州俘鬼章賀于延和殿九月辛亥太皇太后遣中使賜宰輔酒果及黃金三百兩犀帶二以獎其留意邊事彥博公著辭不許乃受

熙寧中宗旦宗諤以使相遇郊恩告謝特賜毬文方團金帶佩魚著為例宣徽使張方平郭逵王拱辰皆特賜慶曆八年十一月癸亥賜王貽永李用和笏頭金帶故事非二府文臣不賜惟張者在密院兼侍中嘗賜之宣和後宰執侍從以花犀帶入朝高宗紹興三年正月壬戌詔自二月朔日繫金帶

景德三年六

月癸未詔通犀金玉帶除官品合服及恩賜外餘不得

服用 祥符四年二月二十日以河中遺逸劉選為評
事賜綠袍鞞笏銀帶束帛及五言詩九年正月張士遜
崔遵度為壽春王友賜金紫襲衣犀帶 錢俶進寶
帶太祖曰朕有三條帶與此不同俶請宣示上笑曰
汴河惠民五丈河一條俶大服 太宗嘗得通天犀
命工為二帶一以賜寇準 道君賜李綱玉帶 高
宗開大元帥府服排方玉帶 唐志文宗詔一品二
品服玉及通犀三品服花犀斑犀

慶曆奏事笏

實錄慶曆三年十月癸丑諫官余靖使契丹辭書所當
奏事於笏各以一字為記上顧見之指其字令一一盡
對凡數十條曰幾具乃罷蓋上之聽納無倦也 知滄
州楊偕召還令間日入對凡對必條數十事皆默記于
笏上令橫笏以奏之

熙寧賜玉帶 玉魚

熙寧八年岐王顥嘉王顥言蒙賜方團玉帶著為朝儀

寶藏于家不敢服用帝命工別琢玉帶賜之顗等固辭

請加佩金魚以別嫌詔以玉魚賜之親王佩玉魚自此

始宣和中判大宗正事仲忽賜玉帶金魚大臣勲舊佩金魚大觀二年五月乙丑賜宰臣京排方玉帶或

誦韓愈詩有玉帶垂金魚之句乃請佩金魚遂為故事靖康元年十一月乙亥康王使河北入辭帝解排方玉

帶以賜紹興十二年九月乙巳秦檜為太師賜玉帶使服之而入玉帶乘輿排方東

宮不佩魚

乾道元年八月二十一日詔皇太子服通天犀玉帶不佩魚蓋禮官言典故無佩魚之文

駙馬都尉賜白玉帶宗室服金雕玉白玉通犀帶

寶開

五年閏二月四日以石保吉為左衛將軍駙馬都尉選尚延慶公主賜襲衣玉帶塗金鞍勒馬自是尚主者賜

率如例後又加賜絨毛暖座嘉祐二年七月五日李瑋請乘服趨朝詔可

紹興六年四月

丙午江西制置大使李綱獻太上皇帝所賜玉帶玉束帶象簡各一畫二軸詔還以賜綱

紹興賜笏

紹興二年十一月賜韓世忠帶笏絨坐元年賜劉光世玉帶金帶西蕃鞍

紹興玉魚 隆興玉佩

紹興三十年二月丙子皇子進封建王

先是甲戌詔立為皇子 三

月丁未上謂宰輔曰

會要云上諭樞臣王綸云云

朕決此計已九年

建王所佩玉魚乃置榷場初買之

先是上曰普安封真王俟正謝日賜玉帶

三十二年五月

甲子立為太子

隆興二年十月二十九日詔皇子鄧

慶恭王大禮朝祭服玉佩綬以真玉為之

先是紹興三十二年十月

三日命文

皇太子瑜玉雙佩

見冕服類

唐獨孤申叔服

思院製

蒼玉賦

沈遠山玄玉賦

裴度古君子佩玉賦

魏

賜劉幹之郭落吳賜陸遜之金環李靖于闐之寶光顏

通化之恩

御府分珍煥切磋之文采使詔臨賜新指

畫之威儀看山挂頰敢為晉士之清狂上馬設囊豈有
唐人之風度執以正容書而待命入趨表著知文竹之
非珍傳示子孫庶甘棠之不朽

謝賜
象簡

蛟鱗錯刀魚須

飾笏

玉海卷八十六